



**KEMENTERIAN
PERPADUAN NEGARA**

**PEMBUKAAN RUMAH IBADAT BUKAN ISLAM
SEMASA TEMPOH PERINTAH KAWALAN PERGERAKAN 2.0
MULAI 19 FEBRUARI HINGGA 4 MAC 2021
DAN
UPACARA SEMBAHYANG PERAYAAN CHAP GOH MEI
PADA 26 FEBRUARI 2021**

Putrajaya, 20 Februari 2021 – Mesyuarat Jawatankuasa Teknikal YB Menteri Kanan Pertahanan Bilangan 8 Tahun 2021 yang dipengerusikan oleh YB Dato' Sri Ismail Sabri bin Yaakob telah bersetuju supaya Rumah Ibadat Bukan Islam (RIBI) dibenarkan beroperasi semasa tempoh Perintah Kawalan Pergerakan (PKP), Perintah Kawalan Pergerakan Bersyarat (PKPB) dan Perintah Kawalan Pergerakan Pemulihan (PKPP) mulai **19 Februari hingga 4 Mac 2021**.

2. Kerajaan bersetuju pembukaan RIBI semasa tempoh PKP, PKPB dan PKPP adalah tertakluk kepada SOP Pembukaan Rumah Ibadat yang telah diluluskan dan **syarat-syarat nyata** dalam SOP antara lain adalah seperti berikut:

PEMBUKAAN RUMAH IBADAT BUKAN ISLAM (19 FEBRUARI HINGGA 4 MAC 2021)

A. Perintah Kawalan Pergerakan (PKP)

- a) Bilangan kehadiran penganut tidak melebihi **30 orang pada satu-satu masa**;
- b) Waktu sembahyang di RIBI adalah bermula dari:
 - i. **6.00 pagi hingga 2.00 petang; dan**
 - ii. **4.00 petang hingga 10.00 malam.**

B. Perintah Kawalan Pergerakan Bersyarat (PKPB)

- a) Bilangan kehadiran penganut di RIBI adalah **DIBENARKAN** tidak melebihi **50% daripada saiz ruang rumah ibadat** dan tertakluk kepada ketetapan MKN serta pertimbangan Kerajaan Negeri dan Kementerian Wilayah Persekutuan bagi rumah ibadat di Wilayah Persekutuan;

- b) Tempoh waktu sembahyang di RIBI adalah tertakluk kepada pengurusan RIBI masing-masing;

C. Perintah Kawalan Pergerakan Pemulihan (PKPP)

- a) Bilangan kehadiran penganut di RIBI adalah **DIBENARKAN mengikut saiz ruang rumah ibadat;**
- b) Tempoh waktu sembahyang di RIBI adalah tertakluk kepada pengurusan RIBI masing-masing;

3. Kerajaan juga bersetuju upacara sembahyang bersempena **Perayaan Chap Goh Mei yang akan disambut pada 26 Februari 2021** semasa tempoh PKP, PKPB dan PKPP adalah tertakluk kepada SOP yang telah diluluskan dan **syarat-syarat nyata** dalam SOP tersebut antara lain adalah seperti berikut:

PERAYAAN CHAP GOH MEI (26 FEBRUARI 2021)

A. Perintah Kawalan Pergerakan (PKP)

- a) Bilangan kehadiran penganut **tidak melebihi 30 orang pada satu-satu masa;**
- b) Waktu sembahyang di RIBI terdiri daripada dua (2) sesi iaitu:
 - i. **6.00 pagi hingga 2.00 petang; dan**
 - ii. **4.00 petang hingga 10.00 malam.**
- c) Aktiviti sembahyang pada tarikh 26 Februari 2021 dibenarkan di halaman rumah masing-masing tetapi tidak boleh melepasi kawasan halaman rumah;

B. Perintah Kawalan Pergerakan Bersyarat (PKPB)

- a) Aktiviti keagamaan / sembahyang di RIBI **DIBENARKAN dengan kehadiran bilangan penganut tidak melebihi 50% daripada saiz ruang rumah ibadat** dan tertakluk kepada ketetapan MKN serta pertimbangan Kerajaan Negeri dan Kementerian Wilayah Persekutuan bagi rumah ibadat di Wilayah Persekutuan;
- b) Tempoh waktu sembahyang di RIBI adalah tertakluk kepada pengurusan RIBI masing-masing;
- c) Aktiviti sembahyang pada tarikh 26 Februari 2021 dibenarkan di halaman rumah masing-masing tetapi tidak boleh melepasi kawasan halaman rumah;

C. Perintah Kawalan Pergerakan Pemulihan (PKPP)

- a) Aktiviti keagamaan / sembahyang di RIBI **DIBENARKAN dengan kehadiran bilangan penganut mengikut saiz ruang rumah ibadat dengan penjarakan fizikal;**
- b) Tempoh waktu sembahyang di RIBI adalah tertakluk kepada pengurusan RIBI masing-masing;
- c) Aktiviti sembahyang pada tarikh 26 Februari 2021 dibenarkan di halaman rumah masing-masing tetapi tidak boleh melepasi kawasan halaman rumah;

5. Kementerian Perpaduan Negara menasihati semua penganut yang melakukan aktiviti keagamaan/sembahyang di rumah ibadat di seluruh negara agar mematuhi SOP di atas bagi memastikan tiada penularan wabak di kalangan penganut-penganut dan bersama-sama membudayakan norma baharu untuk memutuskan rantaian COVID-19 ini.

Sekian.

Kementerian Perpaduan Negara

20 Februari 2021

-TAMAT-

Mengenai Kementerian Perpaduan Negara:

Kementerian Perpaduan Negara ditubuhkan pada 10 Mac 2020 di bawah kepimpinan Kerajaan Perikatan Nasional. Fungsi utama Kementerian Perpaduan Negara adalah untuk memacu agenda perpaduan nasional bagi memastikan kesejahteraan dan keharmonian rakyat Malaysia.

Pertanyaan media:

Unit Komunikasi Korporat, Kementerian Perpaduan Negara

Tel: +603 8091 8041 Fax: +603 8888 8568 / 569

E-mail: pro@perpaduan.gov.my

No rujukan: KPN.UKK.1009/1/8 (54)